



# ՖՐԱՆՍԻԱՅԱՆ ԱԿՆԱՐԿՆԵՐ No 10

13.05.2019



## Ապագա խոհարարները Ֆրանսիայում

Հունվարի 25-ից փետրվարի 3-ը Լիոնի Մետրոպոլի հրավերով կենտրոնի «խոհարարական գործ» մասնագիտությանը չորս ուսանողներից և վարչական անձնակազմից բաղկացած հայաստանյան պատվիրակությունը Լիոն քաղաքում ներկա գտնվեց Գաստրոնոմիայի աշխարհի առաջնությանը:



Նախ և առաջ պատվիրակությունը հյուրընկալվեց Լիոնի քաղաքապետարանում, այնուհետև մեկնեց Sirha՝ միջոցառման վայր՝ մասնակցելու տաղավարների պաշտոնական բացմանը: «Sirha 2019»-ի շրջանակներում մեր ուսանողները բացառիկ հնարավորություն ունեցան ներկա գտնվելու նաև Հրուշակագործության աշխարհի առաջնությանը և պատիվ ունեցան ճաշակելու ֆրանսիացի հայտնի շեֆ-խոհարարի պատրաստած կերակրատեսակները, ինչպես

ևսև ծանոթանալու «Sirha 2019»-ի տաղավարներին, այնտեղ ներկայացվող նոր արտադրատեսակներին՝ շագանակի մուրաբա, բանանի այլուր, համեղ պրալին, աներևակայելի տեսքով քաղցրավենիք և այլն: Ուշագրավ էր նաև կենտրոնի գործընկեր Ռոնի մասնագիտական ուսուցման ընկերության կողմից մեր ուսանողների հետ իրականացված համատեղ դասը հրուշակագործությունից:



Մասնագիտական այցերին զուգահեռ պատվիրակությունը ծանոթացավ նաև Լիոնի տեսարժան վայրերին, հյուրընկալվեց Լիոնում Հայաստանի հյուպատոսությունում, մեր գործընկեր Հայաստանում Ֆրանսիական համալսարանի ուսանողների հետ միասին, հանդիպեց նաև այլ քաղաքապետերի ու Ֆրանսիայում մեծ հաջողությունների հասած մեր հայրենակիցներին...

## Ֆրանսիայի համը

Հինգերորդ տարին անընդմեջ Հայաստանում տոնվում է Goût de France (Ֆրանսիայի համը) միջոցառումը՝ պահպանելով ողջ աշխարհում ֆրանսիական խոհանոցի կենսականությունը:

Մեր կենտրոնն էլ անմասն չի մնում այս գեղեցիկ իրադարձությանն իր ակտիվ մասնակցությունը ցուցաբերելու առումով:



Մատուցում ֆրանսիական ձևով, հորթի միս՝ մարեևգո, աղանդեր՝ խնձորով տարտ և տանձ Բել-Էլեն, նախուտեստ՝ Սեն-ժերմեն, ֆրանսիական Բորդո գինի... Ահա այն ճաշացանկը, որի շուրջ ֆրանսիական շնչով հագեցած մի օր անցկացրին Հայաստանում Ֆրանսիայի արտակարգ և լիազոր դեսպան ժոնաթան Լաքոտի ուղեկցությամբ կենտրոնի հայ և ֆրանսիացի հյուրերը՝ ըմբռնվելով «Ֆրանսիայի համը» մեր կենտրոնում...

## Բանակի օր

Ուսումնական կենտրոնի ուսանողների զինվորական առօրյան՝ արհուրյան, հրաձգության դասեր, նախագորակոչային պատրաստություն, ամբողջացվեց Բանակի օրվան նվիրված միջոցառման ժամանակ: Մենք կերտում ենք հայրենակներ քաղաքացիների:



## Ինտերակտիվ դաս

Խոհարարությանը վերաբերող բազմապիսի հետաքրքիր տեղեկություններն այս անգամ ներկայացվեցին ուսանողների կողմից պատրաստված ցուցադրումներով:

Այն, ըստ էության, համակարգչային հմտությունների և մասնագիտական գիտելիքների համատեղ սինթեզ էր՝ համեմված ներդաշնակ պատկերներով և ինֆորմացիայով:

Ինտերակտիվ դասի արդյունքում առավել տեսանելի են դառնում ուսանողների բազմակողմանի գիտելիքները, ինչը միշտ արդյունավետ է և ոգևորող:



## «Իսահակյանը երգերի մեջ»

Խոսքի և երաժշտության կապը ունկնդիրներին փոխանցելը չափազանց կարևոր է, մանավանդ, եթե այն վերաբերում է Վարպետի ստեղծագործություններին: Այս նպատակն էր հետապնդում «Իսահակյանը երգերի մեջ» խորագրով գրական-երաժշտական ցերեկույթը, որի իսահակյանական շունչը համակեց ներկաներին՝ առավել մոտեցնելով նրանց Մեծ Վարպետի գրական ժառանգությանը:



Դրվագներ Իսահակյանի կյանքից, հարց ու պատասխան, ասմունք, երգեր՝ տարբեր ժամանակների արվեստագետների կատարումներով, ջերմ զրույց...



Պոեզիայի համաշխարհային օրվան նվիրված այս ցերեկույթը, հիրավի, լեցուն էր հոգևոր արժեքներով: Այն առավել հիշարժան կդառնա մասնակիցների այցով Իսահակյանի հարազատ բնակավայր՝ Գյումրի՝ զգալու և տեսնելու նրա ապրածն ու զգացածը:

## Մասնագիտական խորհրդատվություն սպազա ուսանողներին

Երևանի դպրոցներից ժամանած բազմաթիվ աշակերտներ ծանոթացան կենտրոնի գործունեությանը, մասնավորապես՝ վարսավիրի, դերձակի, խոհարարի, ատամաստեխնիկի մասնագիտություններին առնչվող շատ նորությունների և տեղեկատվության:



Նրանց մասնագիտական կողմնորոշմանն առավել նպաստեցին վարպետաց դասերը, որոնց դպրոցականները մասնակցեցին անձամբ:



Սիրով սպասում ենք մեր ապագա ուսանողներին:

## Վկայականների հանձնում

«Վեոլիա Ջուր» ընկերության Հետ համագործակցության շրջանակներում հերթական շահառուները ստացան խողովակագործի վկայականները:



Վկայականների հանձնման հանդիսավոր արարողությանը ներկա էր նաև «Ռեն-Ռոն-Մեդիտերանե» կամպուսից ժամանած փորձագետ պարոն Էրիկ Մոնտարիոլը, որն այդ օրերին խորհրդատվական այցով գտնվում էր կենտրոնում:

Բարի երթ և նորանոր հաջողություններ մասնագիտական գործունեության մեջ...



## Ջրի համաշխարհային օր

Մարտի 22-ին նշվում է Ջրի համաշխարհային օրը: Աշխարհում գրեթե մեկ միլիարդ մարդ չունի խմելու ջրից օգտվելու հնարավորություն, իսկ 2.6 միլիարդը՝ դրա համար անհրաժեշտ սանիտարական պայմաններ:



Ջրի ճիշտ օգտագործման, օգտակարության, տարբեր հատկությունների, կառուցվածքի և խնդիրների մասին էին պատմում Դերձակ Հ-1 կուրսի ուսանողները աշխարհագրության դասաժամի շրջանակներում:

«Ջուրը կյանք է», - համոզված են բոլորը: Ուստի, պահպանենք այն մաքուր ու անաղարտ՝ նպաստելով բնական ռեսուրսների և մարդկության կենսունակությանը:



## Թռչնաբնի մրցույթ-փառատուն

Թռչունների պաշտպանության միջազգային օրվան էր նվիրված Երևանի Դավթաշեն վարչական շրջանի կողմից կազմակերպած միջոցառումը, որին մասնակցում էին բազմաթիվ դպրոցներ, մանկապարտեզներ, անհատներ, ինչպես նաև կենտրոնի ուսանողները:



Վերջիններիս կողմից պատրաստված «կացարաններն» ու «բազմահարկ բնակարանները» հաղթող ճանաչվեցին «Ժամանակակից թռչնաբույս» անվանակարգում:

Օրվա նպատակը թռչունների բազմազանության ու թվաքանակի պահպանումն էր: Հուսանք՝ պատրաստված թռչնաբույսերը կդառնան հանգրվաններ մեր փոքրիկ «բարեկամների» համար:



## Այց մանկատուն

**Բ**արեգործության և հոգևոր մաքրության, դեպի լուսավոր ու պայծառ ներաշխարհների հետ հաղորդակցմանն էր ուղղված ուսանողների այցը Գավառի մանկատուն:

Ծաղրածուները, ուսանողներն ու դասախոսները խաղերի, պարերի, գրույցի, համատեղ ճաշի ու գեղեցիկ ակնթարթների մի օր ունեցան մանկատան սաների հետ, որն անմոռաց հետք թողեց բոլորի սրտերում:



Տեսնելով երեխաների՝ երախտագիտությամբ լեցուն աչքերը և զգալով նրանց ջերմությունը՝ մեր ուսանողները կրկնակի ուժ ստացան, սովորեցին մտածել առավել բարձր արժեհամակարգով առաջնորդվել այս կյանքում: Շնորհակալությունն նոր ընկերներ ձեռք բերելու և մեր հոգիները ջերմացնելու համար:



## Սուրբ Զատիկ

**Բ**արեգործությունից մինչև Սուրբ Զարության տոն. ահա այն շրթան, որի յուրաքանչյուր թել կարևոր էր Զատիկի նախօրեին արված միջոցառման ընթացքում:



Այն, ըստ էության, գրույց էր ուսանողների և դասախոսների միջև հոգևոր արժեքների, բարեգործության կարևորության, մաքուր հոգով դեպի Սուրբ Զարության տոնին ընդառաջ գնալու մասին՝ հասկանալու դրա խորհուրդն ու նշանակությունը:



Կարելի է ասել, որ այն վերջերս մանկատուն կատարած այցի տրամաբանական շարունակությունն էր:



## Հագուստ ֆրանսիական ոճով

**Յ**արյուրամյակի նորաձևության տենդենցների, դրանց ոճային բազմազան դրսևորումների, իրենց իսկ կողմից կարված շրջագծեստների ու տաբատների ցուցադրությունների, համապատասխան երաժշտության և պարային կատարումների համադրությունն էր «Հագուստ ֆրանսիական ոճով» խորագրով միջոցառումը Ֆրանկոֆոնիայի օրերին:



Այն ներկայացվեց բացառապես ֆրանսերենով՝ պահպանելով նորաձևության շունչը և բացահայտելով թեմայի բովանդակությունն ամբողջությամբ:

